

列女志一

夏口縣志卷十六

賢母附 孝婦 貞女 孝女 烈婦 殉難

賢母

謹按夏陽既分治自應將屬夏屬陽列女全行分出惟是時閱千載人計數千漢陽縣志鈔註地址採訪要難強晰茲除彰明較著屬夏者照舊摘錄外其餘未敢臆別者僅列姓氏附錄於後特發其例於此至此新編各氏則略按本邑九區各採訪所報先後列著

宋

江漢陽縣志作汪楚紀作江母子涯以忤賈似道搥死母哭曰汝死於忠我則

不辱可以下慰先人矣亦自沈於江

清

志

列女志一

一

胡延齡妻龔氏庠生遂女幼聰慧四書毛詩女誠俱能成誦母家素封而延齡甚貧氏事孀姑以孝聞典衣鬻釵毫無德色年五旬夫登甲第官中秘氏隨夫至都時子志潔復成進士令直隸鹽山縣迎養至署見北土荒寒收成歉薄購致楚省番薯教民種植遂成沃壤每聞堂訊鞭扑聲愀然不樂詰志潔曰豈爾教之未豫耶何犯法者之多也夫歿子復令陝西米脂縣臨行囑曰汝家固貧我已安之慎無以我之羞饒子孫之封殖置念枉索民財致我食不下咽而汝父銜恤於地下也其子卒為賢令許周氏州同許鎮副室性仁孝恭敬生四子嫡子潢直隸州知州氏長子浚庚子舉人長甯知縣長孫枝庚申舉人曾孫燾元孫城次子淳貢生三子源以子玉柯貴封朝議大夫四子溥以禦寇功議敘江西義甯州州同氏治家有法御下以慈尤好施與

歷久不倦嘉慶十二年舉氏五世同堂請旌於朝

賀龔氏國茂妻年二十于歸越十二年夫故家貧紡績操作不辭勞瘁事哀姑以孝稱生子文漢文彬教以義方庚午歲鄰不戒於火氏方寢疾火已及門子彬冒火入救咸謂無復生理俄而風反火滅母子俱全有徐義發者貧不能娶氏資助之得完姻其他卹貧周乏類如此孫男七曾孫男十四元孫男一和順雍睦五世同堂享年百有二歲大府聞於朝賜銀帛並額曰貞壽之門

劉馮氏孝感廩生廷燮女庠生傳燧妻安徽卽補同知世墀母少秉禮度女紅尤精絕適傳燧後以婉淑聞事舅姑接娣姒惟孝且和井白紡績黽勉忘勞生子五衣履皆手製不外假也訓子必以謹厚叔沒無子旣援氏子世圭爲嗣矣已而殤舅姑意在

志

列女志一

二

世堪亦氏出也慮難割愛氏自請曰雖姑息其若戚吾舅姑何且叔安可不置後吾子猶多其必以世堪爲叔後議遂定已而傳燧卒舅姑老矣子幼家益絀氏攻苦食澹上奉高堂下撫孤穉卒以克濟舅姑繼逝經營葬祭哀禮備至人皆賢之寇作世墀起從戎幕或瀕危或經歲一歸氏雖倚閭望切然必勉以忠義世墀權蕪湖令乃迎養官舍入境見兵後子遺民皆癯瘠藍縷卽大感動食不下咽語世墀曰此嗷嗷者殘喘僅屬耳汝必厚卹之緩追呼寬獄訟或者白骨可肉也語竟泣下沾衣故世墀卒爲皖循吏氏以疾終蕪湖官舍誥贈太宜人子五長卽世墀

洪蕭氏汝寬繼妻名藻慶蔡甸蕭玉亭女幼讀書性敏悟孝經小學能通其義年二十一于歸事奉翁姑孝敬備至歲時祭祀必

躬必誠教子女跬步必循禮法長子彬郡庠生次子杭監生皆有聲膠庠蓋得氏之教爲多初子杭聘胡氏有廢疾或勸別擇配氏曰聘後得疾棄之不義及娶尤加體卹焉又好施與戚族有窮餓者不吝衣飾貸之中表蔡氏少寡無子氏曲成之以終其節其他淑行甚多茲舉其大者

以上見漢陽縣志

宋王氏小滄妻庠生用潛母初入宋門家貧甚勤女紅以佐館穀凡日用所入悉與夫約之以至於無可約復約之以使其有可約積銖累寸二十餘年始獲有住屋並年收屋租約二百金於是夫停教婦亦停繡嗣子用潛甫四歲小滄教之嚴甲寅七月小滄故氏督潛益力乙卯賊踞漢鎮兩查戶口初索男丁氏毀潛裝易名爲女次索女子氏又匿潛於暗樓以避之是年七月

志

列女志

三

十七日託李僕携潛去十八日賊大燬漢口氏不得已始携產約及首飾以行中途首飾被掠氏膝行收約入空屋不得食者三日夜縊而索斷夢夫至慰之氏遂輾轉至黃陵磯暫憩賊退母子次第返漢衣則以其完者予潛而氏無不補綴者食則與潛互相推而菜蔬之變味者或水淘而日暴之不棄也氏雖識字而經書不熟命潛抄寫其記憶者讀之仍督其背誦講解雖夜深不稍寬假潛生母卒於鄉命潛遵禮服降服生父病於店命潛迎歸終養之其歿也復賣產以窆之由是葺其舊廬計其新租月入漸裕而潛亦率教勵學乙丑年逾二十卽入郡庠受室李氏蓀枝突起氏年七十歲卒此治家教子之有禮法者黃吳氏湖南知縣子治妻青陽吳尙書文簡族孫代州馮魯川從甥少從魯川學與其弟子肅子迪相倡酬以詩名京師十五歲

于歸子治少孤育於叔父海華氏賓事子治禮事叔舅叔姑雖
威甚而終竟改容待之長子嗣東僅中姿課爾雅必口授數十
遍成誦乃已次子嗣翊習毛詩每夕必親爲講授性樸素一單
羽毛禮服垂三十年有暇輒集子女奴婢說古人忠孝事以牖
其衷有聞之而歌泣出於不覺者故其子女均能率教其妾樓
氏終身事之謹其長媳戚氏陳氏次媳吳氏皆有孝行惜以思
母念弟故櫻心疾時發時愈年六十八歲卒媳吳氏及羅楊二
妾守節另有傳

洪劉氏附貢生壽頤妻十八歲于歸上事翁姑下撫兒女以及持
家勤儉自治樸素皆婦之庸行可貴者其子有乳媪某氏其夫
殘廢不能事欲鬻其子以求活氏聞卽典衣飾厚助之俾免離
散尤人所難能也四十歲卒

志

列女志一

四

戴高氏寶光妻青年守志家道蕭條特紡織以資生上事八旬衰
翁喪葬盡禮其孤鴻慶僅數歲惟日勗其立志成名不以貧苦
輟學有古人斷機教子風鄉里稱賢母焉

高朱氏品臣妻薦任職察哈爾候補知事高豪母夫故時子甚幼
氏以母代父擇師教之克盡劬勞豪現任察區公務氏每囑其
以國事爲重謂家有薄田足供饘粥不必顧慮家事其見蓋高
人一等云

聶劉氏德晟妻拔貢炳焜母系出名門酷嗜詩書于歸後事翁姑
以孝待妯娌以和相夫子以順生三子期望心切不以姑息而
閒其督課次子炳焜成名母教也惜炳焜中選拔及爲工業校
長時母已不見徒增炳焜之泣然耳

周李氏歲貢生周祐妻漢陽副榜李能愛女性嫻靜習姆教少讀

父書頗得大概有時摘發經史抒爲淺近論說輒爲其父所激賞于歸後唱隨自樂相莊三十年無面赤事祜性孝友氏多所贊助避亂鄉居十餘載洞澈持家之法惟勤儉可期稍久每暇時必手古人傳家懿事一則指示家人以爲教訓今其子毓棠毓棣雖年逾六旬其孫英杰雖位至監司猶兢兢罔敢失墜焉至因其父無子請於夫書李宗二世於周宗栗主之右命子孫永遠附祀以誌孝思尤足見其垂裕有道云

陳彭氏開元妻庠生文朗母開元業酒多賴氏助理性溫厚事上待下各如其分文朗讀書氏以敬重先生者敬重先生之友朋現孫輩士農工商各勤職業家道亦漸充裕蓋賢德之教也

王江氏漢川歲貢正善胞妹附生樹鍾元配家素殷實躬自勤勞不以事務紛其夫上進心猶子六人器宇均佳氏勸夫不時教

志

列女志一

五

養後游泮者五其季子式度尤有聲庠序鄉人謂王氏之盛半由家學淵源半由賢母贊助

高陳氏貢生殿臣廩生雲程監生韡臣母勤儉持家家道頗裕施與成性閭里受惠者多年九十餘無疾而卒孫國榮國堦國瑞國瑚國瑛均庠生國瑛出洋畢業前爲省議員現爲省立第三師範校長曾孫光選光道光達或法政畢業或中學畢業世德濟濟母儀維昭

陶陳氏增生大瀛庠生大鴻母操理家務勞瘁不辭性喜周濟咸豐乙卯漢民多逃難於鄉或施茶解渴或煮粥充饑類此者不一而足子孫入庠者各二人曾孫高小中學均有畢業者後裔蕃昌其慈善所貽乎

周吳氏振之妻孝廉方正庠生壽梓庠生壽榕母甯國處士金梁

女十六歲于歸事翁姑孝相夫子順善鍼紉習中饋婦德婦工
悉備焉性慷慨遇親故之貧窘者輒不吝錙銖典質延賓有陶
母剪髮風夫故後移寓郡城以便二子應試遇事每存爲子孫
留有餘之見年五十一歲

壽母附

明

胡易氏生員化中妻享壽百歲

李姚氏若英妻年九十四歲

吳蔡氏生員元嘉妻年九十餘歲

清

鄒曾氏之琥妻年九十一歲

張王氏朝連妻年九十二歲

志

列女志一

六

張高氏任鉉妻年九十餘歲

龍朱氏星妻年九十餘歲

周楊氏登瀛妻年九十歲

陳何氏紹祖妻年九十四歲

楊王氏世勳妻年九十三歲

李戴氏輔仁妻年九十歲

李戴氏庠生師孔妻年九十四歲

楊蔣氏詢妻年九十歲

戴胡氏玫妻年九十四歲

王熊氏佑林妻年九十歲

吳李氏昭奏妻年九十三歲

李方氏耀遠妻年九十九歲

蕭喻氏定光妻年一百三歲

周張氏年一百五歲

羅艾氏年百歲

張氏致遠母享年九十七歲卒

呂周氏本明妻年二十八夫亡苦節九十四歲卒

以上見漢陽縣志

宋朱氏勤于妻庠生用潛曾祖母進士朱臨川姑母十五歲于歸生一女二子相夫事衰姑極盡婦道夫故時且有助夫焚券如馮驩事九十六歲無疾卒

劉馬氏五品封職厚菴母二十二歲于歸三十餘歲夫故家貧甚撫一子三女茹苦含辛幸子能成立境遇日優孫曾蔚起九十歲卒

志

列女志

七

余胡氏卜華妻性慈善家貧而遇苦寒人則竭力濟之現年九十一歲

徐劉氏人極忠厚九十七歲卒

黃段氏清授登仕郎光美妻現年九十歲

黃張氏清封奉政大夫匯泉妻庠生廷錫母子歸後生子女十人佐夫子以勤儉起家訓子孫輩皆能成立性情平和睦戚黨好施與婦德悉備現年九十三歲孫曾繞膝耳目聰明精神如六十許人

陳李氏前漢陽協標都司銜藍翎守備占魁母性慈祥好施與九十四歲卒

潘高氏開場妻現年九十一歲

呂朱氏道光壬午舉人隨州學正呂仲妻年百有三歲上事祖姑

下逮立孫親見七代五世同堂清光緒間奉旌建坊並賜綵緞銀物及七葉衍祥貞壽之門額長子振渭次襄廷均庠生三贊廷以軍功歷保縣丞留安徽候補某年委署某縣縣丞因母老辭官不就士林稱之孫寅東已丑舉人恩施縣教諭曾孫承著廩生湖南補用知事

呂戴氏遠林妻現年九十二歲

呂梅氏桂遠妻年九十歲

呂歐陽氏服周妻享年九十二歲

呂楊氏祥遠妻現年九十一歲

朱熊氏開智妻九十六歲卒

呂王氏承翺妻庠生濬源女九十三歲卒

黃李氏邦森妻素明大義夫故時三子皆幼氏耕讀兼課子率教

志

列女志

八

亦均孝友九十歲不病而卒

朱錢氏文銓妻九十四歲卒

文張氏生連妻住文家埧現年九十一歲

宋蔡氏學釗妻住宋家埧夫故後三子以璧以順以善皆中道逝

世復延師課其孫桂芳等備極艱辛年九十六歲

黃吳氏國彪妻附生振鶴母子六人孫二十餘人曾立孫數十人

五世同居年九十六歲

王彭氏貢生邦燮元配七區自治會議長家樾生母漢陽農工中學畢業生寶儒祖母生於嘉慶己卯八月年九十八歲

朱姚氏進義妻氏與其夫均九十三歲卒

胡宋氏德壽妻心佑母年九十六歲

胡王氏心誠妻用先母現年九十四歲

黃張氏禮雄妻行志母年九十一歲

蕭吳氏德廣妻年九十三歲

朱王氏進光妻年九十一歲卒

蕭杜氏傳文妻年九十二歲

張季氏德貴妻現年九十歲

張常氏朝瑞妻年九十三歲

朱蕭氏開培母現年九十歲

蕭潘氏明烈妻現年九十三歲

朱毛氏開清母現年九十歲

蕭張氏考正母現年九十二歲

朱龔氏開享祖母九十歲卒

蕭楊氏用正妻年九十三歲

志

列女志一

九

朱甯氏鳳宣祖母九十一歲卒

蕭高氏先松妻年九十四歲

韓李氏忠心妻年二十四歲夫故守節撫遺腹子文耀成立九十

四歲卒

馮王氏贈光祿大夫華昇次媳儒士國璽妻氏出土族知書史識

大義璽品學爲鄉人推重戶族誌其醇行皆由得氏內助之力

居多年九十一歲卒

馮蔣氏郡優增生禮哲繼妻江夏從九經五女年二十八夫故苦

節年九十一歲卒

陳崔氏芳銑妻三十歲夫故家貧矢志撫孤勤苦異常年九十三

歲卒

黃楊氏學浩妻傳漸母現年九十歲

吳江氏有玉妻江家墩人九十八歲卒

韓施氏庠生國鈞妻九十二歲卒

韓江氏辛家地人九十八歲卒

潘陳氏世友妻九十三歲卒

韓馬氏上灣人九十三歲卒

韓李氏四家嘴人九十二歲卒

曾徐氏順滔母九十六歲卒

韓董氏星如祖母九十六歲卒

鄒蔡氏鄒家墩人九十三歲卒

潘馮氏開年母九十一歲卒

韓何氏正禮妻九十一歲卒

周劉氏著延妻年十七于歸二十五歲夫故家貧無子女投環遇

志

列女志一

十

救氏素嫻詩書生計未習至是乃仰十指爲生不數年舅姑繼殞又值明季流寇蹂躪楚疆氏出入危險艱辛流離殫述康熙丙戌九十四歲卒

黃劉氏奉政大夫德彩妻花翎同知光奎母府經歷附貢生銘善祖母儒士家琛家瑩曾祖母運機運樞運宏運轉運大高祖母年九十二歲

密宋氏山西平定直牧昌墀繼母九十四歲卒

張劉氏貢生炳奎母溫柔慈惠素有賢聲九十七歲卒

劉涂氏傅斌妻庠生房縣教諭重游泮水世澤庠生世治母年九十三歲

高張氏儒士溫泉妻九十三歲卒

周盧氏明選妻九十六歲卒

周劉氏承崇妻九十歲卒

周熊氏承合妻九十一歲卒

周黃氏勳欽妻九十六歲卒

趙陳氏文芳妻九十七歲卒

周禹氏方駿妻九十一歲卒

劉王氏旭光母九十八歲

劉王氏方簡母年九十六歲

劉康氏正謂母年九十六歲

劉張氏正熒母年九十六歲

劉李氏正現妻年九十五歲

劉盛氏正孔母年九十四歲

劉林氏傳中母年九十四歲

志

列女志一

十一

劉王氏方容妻年九十三歲

劉黃氏世煊母年九十三歲

劉程氏方行母年九十歲

劉張氏世祥母年九十三歲

劉何氏正立母年九十歲

劉汪氏世仲妻年九十五歲

劉熊氏傳祚母年九十歲

劉周氏世譜妻年九十六歲

密李氏澤榮妻年九十六歲

鄔孫氏庠生行晉妻年二十四夫故時衰姑尹氏善病足不履地者十餘年幼稚子女四人氏以事以畜毫無惰容尹彌留時執氏手曰爾代吾兒勞爾有子必報爾矣享壽九十四歲卒子義

善詳孝友傳媳洪氏亦以孝稱

張涂氏士彥妻年九十二歲

張金氏先振妻年九十三歲

何鄧氏開貴妻嫻內則有巾幗丈夫氣眼觀五代九十二歲無疾卒

何蕭氏開昭妻耳目聰明子孫繞膝現年九十二歲

趙梅氏華英女超羣妻事翁姑孝教子有方現年九十一歲

張梅氏監生行熹妻儒士仁性仁本仁善母年九十二歲卒

以上新編

孝婦

清

項孫氏生誠妻翰林孫皋第四女誠由戶部郎官出守順慶府計

志

列女志

三

程已抵棧道而姑李氏陡染危疾誠未知也氏涕泣禱天姑病隨愈後誠卒於京師氏聞計絕而復甦者再携二子大復大德由蜀歸漢誠居官清白囊無長物氏拮据辛苦篝燈課二子恒達旦不休子甫弱冠同入膠庠人以爲賢孝之報

關邱氏舉人關發奎妻名瓊華字蓮月早失怙依母唐氏以居未嫁時唐病薦醫言不治瓊華情迫涕泣禱神引刀截左手食指一節和藥以進母沈疴立起瓊華生時不欲人言及以其近於自炫也嘉慶二十一年八月病卒年二十三

張徐氏任蕃妻雲南糧道斬水徐本僊女年十八贅漢臬張坦子任蕃爲壻時氏翁已罷官鬻田產償債旋卒家頓貧氏念姑衰病迎至斬水定省甘旨無怠姑眷念少子幼女氏亦迎至母家視若同胞任蕃餬口於外數十年病歸卒姑亦繼卒所遺二

子四女及姑之少子幼女氏皆竭盡心力爲之完婚畢嫁又訓孤姪與己子咸成立蓋氏生長富貴備歷艱難戚族稱賢孝焉
張劉氏承治妻

以上見漢陽縣志

周王氏宏選妻文煜母省議員有章祖母年十七于歸時姑病血暈勢垂斃氏思新婦入門未得稍盡婦道此心何以卽安徬徨數日輒背人割左臂和藥進姑疾頓瘳越三年姑歿遺小姑二氏愛之若妹撫之若女自孩提以至出閣小姑亦忘其爲己也嫂者後小姑年八十每語文煜少年事未嘗不感激涕零於氏之恩斯勤斯也年五十二歲卒卒後宏選鰥居三十年以報之蓋孝義萃於一門云

鄔洪氏節孝壽婦鄔孫氏媳孝子義善妻姑晚年性卞急而好潔

志

列女志

三

每黎明必沃湯洗足氏雞鳴輒起趨爨下奉盤水進醕面濯足畢然後退數十年如一日六十七歲卒子二長宏榘縣學生孫六均託業政學兩界蒸蒸日上蓋一門節孝所積累云

以上新編

貞女

清

葉三姑繼妻女十齡許字雲夢許兆椿子承熙爲婦熙病故三姑未知越數年兆椿妻屠氏至葉邸見三姑憶及承熙爲淚下三姑始知其亡也卽請至壻家守貞繼妻不許三姑悲泣毀容誓死不復字歷十五年病歿病中屢以歸骨許氏爲請死而不瞑許以合葬乃瞑嘉慶十七年旌

張一姑許字舉人高人驥長子爲瑤爲室未嫁而瑤亡姑聞盡焚

妝奩欲以身殉父母勸止之乃以縷經赴高宅守貞時璠父母俱歿弟妹稚幼姑盡心撫字支持門戶嫁娶皆曲盡其禮年七十八歲卒

馮檢姑庠生馮光文孫女儒士守典女國學生尊五之姊也幼字湯同會甫諷吉而湯卒誓往湯姓守貞湯以貧辭檢姑念親老弟幼遂終身不字逮父歿母哀弟尊五尙幼檢姑操持勤苦俾弟壹志詩書其後尊五子道薰道英入膠庠皆姑之力也卒年四十四歲道光二十九年旌

李姑建侯女幼字歐陽善鑑年二十鑑病死時李姑父母俱歿惟兄嫂是依聞計欲往歐陽家守貞兄嫂止之不可其媒從父也止之亦不可遂如其志計守貞二十二年而卒邑人劉傳曾傳其事甚詳

志

列女志一

十四

李姑江蘇溧水縣知縣李萼女幼字浙江杭嘉湖道姚必遠之子候選同知姚有敏年二十諷吉有日有敏以時疫亡姑聞之縗經入門矢志守貞四十餘年同治七年旌

管姑庠生粵俊女幼字歲貢生左承禮之子先麟未冠而夭姑年甫十八聞計號泣誓以身殉過門守貞侍異母夫弟之母以針券助家計含辛茹苦歷變逾堅

以上見漢陽縣志

賈姑幼字來通選十五歲通選病故聞計奔喪矢志守貞十八歲夫兄通源生子世鴻撫之爲嗣五十四歲卒

羅姑幼字傅家湖年十九家湖死姑聞計奔喪誓死守貞二十九歲卒

胡姑仙材女幼字汪世龍二十三歲時世龍故立志守貞六十一

歲卒

陳姑幼字戴氏年十四戴子歿姑聞訃卽孝服奔喪矢志守貞以猶子祖培爲嗣三十歲卒

張保姑守貞不字現年三十八歲

胡先姑用珍女幼字黃姓年二十行聘有日黃病殂姑毀容赴黃守志孝事舅姑戚族咸稱敬之

王貴姑世松女自以生命不辰矢志不嫁甘隨父母勤苦度日

陳二姑大明女許字黃某未于歸而黃歿二姑矢志守貞誓不再字初二姑母病曾割股嘗糞及父母雙亡不得已依居戚家貞孝兩盡現年六十有三

黃桂枝前厚女廩生式金姪女幼字林學田未嫁而田卒女矢志守貞父母不能強針黹度日毫無怨言現年五十五歲

志

列女志一

志

張芝姑大福女許字劉姓將嫁而劉卒姑痛不欲生舉陪嫁衣飾盡售爲終身度日資迄今五十餘年紡績仍勤而衣食稱裕餘焉

周貞女幼字劉正璜璜未冠病故女聞耗赴弔矢志守貞孝事舅姑後與曾祖姑高氏合建一坊撫院爲題祖節孫貞云

杜貞女黃陂貢生杜維鑄姪女幼字劉世善子作義義未冠疾卒女聞耗歸劉守貞立嗣以延夫祀現守貞已三十二年

范貞女黃陂主事范軾女幼字舉人劉世大孫人亮亮年十八病故女聞耗哭泣欲以身殉父母力勸乃止時隨父官所屢以歸劉執婦道爲請父母未遽允憂鬱成疾歿年二十四歲後范送柩與劉子合葬並循例請旌

易姑鳳階女幼字同里高敦崑及笄嫁有期矣敦崑忽得暴疾外

出姑稟父母親至高家以待夫歸迨音信杳然撫姪爲子無何嗣子又斃於水女憂憤而歿時年五十有三

胡芝姑農民永福女自傷命薄守貞不字先依父母紡織養生復助其弟勤儉治家女德足式鄉里無閒言現年六十一歲

張多姑先炳女自幼有志守貞紡織度日終身不怨鄉里咸重之以上新編

孝女

馮趙氏陂邑傅禮妻騰龍岡可堯女二十八歲夫故無子歸養母家母弟故後父母年高孤貧氏自勤紡績生養死葬悉盡其禮現年五十四歲

王藻姑新溝增生登榜女幼字巨龍岡劉姓因母暴卒父又無子哭泣過度而死族人憐之爲立貞女牌於宗祠

志

列女志一

夫

朱長姑德秀女因無兄弟願守貞養親現年六十二歲

朱昭姑進謙女因無兄弟願守貞養親現年五十八歲

吳三姑監生正發女幼聰穎母黃氏身弱多病三姑立志在家孝養終身不嫁現年五十六歲

杜閩姑船工承富女父歿母病無兄弟願守貞以十指所得奉母終身現年六十六歲

李琴姑前漢女生於同治癸酉年六歲喪父九歲喪母僅祖母與幼弟三人相依爲命二十一歲時祖母病薦琴姑割股煎湯以進病旋愈二十九歲許字屠姓屈吉大病出嫁四日卒

熊茂貞松標女性純孝見母氏張身弱多病扶侍需人因矢志不嫁願終身事母親族中有以室家大義勸之者掉頭不顧也後母卒茂貞痛不欲生遂長齋奉佛終日不出戶庭現年五十一

歲

馬國秀良驥女持志貞靜與諸弟日侍父母側依依孺慕樂而安之雅不欲遠離膝下且謂女兒清淨身可以上希仙佛故一意以孝親終現年四十歲

以上新編

烈婦

明

羅喻氏漢鼎妻左兵侵掠氏挾二子避月宮橋水邊賊劫之加以刃血流被體而死

清

商氏孝感人生於漢口十五嫁徽客某生一女食貧無怨某故不肖欲氏倚門氏誓不許又約惡少挑之且受惡少衣飾金帛誘

列女志

七

之氏恐終爲所污自縊死

李朱氏之義妻義出賀川峽家事託其母舅石英英年耄有自川來者傳之義溺死氏聞悲痛不欲生又值子本忠痘證險逆醫皆不治氏計無所出遂言家多鼠囑石英市信石藥之因自服死然子痘旋愈之義亦舟覆遇救得生而氏則殉難死矣後其子本忠痛母氏之慘亡於嘉慶十年捐貲鑿川河險道數處蒙旌於朝爲母建立烈婦坊

蕭劉氏德銓妻夫故無子視夫殯斂後卽自縊

劉曾氏世祥妻位賢女年十八于歸明年世祥被賊擄去十餘年無耗翁姑促改嫁不從自縊死

張李氏監生承渭妻定偉女年二十八夫故哀毀誓以身殉於服闋日大慟而絕卒年三十二歲

張宗氏啟發妻年二十一因夫遇賊被害聞凶耗縊死於室

李冷氏庠生大中女幼嫻姆訓知大義長適陂邑李某舅姑相繼
歿李素無行以博蕩家貲罄並氏衣飾亦無存密謀鬻婦以償
博負氏覘知之潛詣伯母家逾半載李終不悛賺之歸氏乃給
迎者使喚渡裹衣結帶從容投水死同村舉人馮禮藩感茲芬
烈乃撰述事實徵詩京省藉傳不朽一時京官耆舊江漢文人
多咏嘆之作惜兵燹稿冊散失不獲刊行

以上見漢陽縣志

惲張氏寶臣妻德容女二十二歲夫故當卽身殉爲家人護救得
免卒於七七之內仰藥以歿

王姑福堂女幼字曹志鈞十八歲鈞歿姑聞訃奔喪矢志守貞以
族子爲嗣嗣子娶媳蕭氏不數年嗣子復歿蕭以有孕未卽殉

志

列女志

六

夫後產時聞稔婆言所生爲女蕭以曹禋斷絕卽在床跌足搥
胸而歿前清姑媳均請旌

康吳氏開榜妻年二十四夫故遺腹生子昌平娶張德煥女爲媳
甫一載昌平墮水死姑媳均痛甚而媳張屢尋自盡姑吳再三
婉勸謂爾夫昌平係吾遺腹所生今爾幸有娠他日如得一男
亦可接康氏禋祀其功不較大於身殉哉張氏因立志守節終
日禱神求男及臨盆果生男張氏喜甚謂吾夫有後矣詎不移
時而嬰遽夭張氏遂跌足搥胸而亡時年未逾二十也後數年
吳氏年五十二歲亦卒

雷朱氏潤泉妻二十九歲夫故遺二子一女屢欲身殉均經戚隣
以撫孤大義勸阻迨年四十七二子均屆成立遂仰藥以殉
余顏氏儒士以賢妻恩貢候選府經歷尙賓弟婦光緒乙未冬于

歸以賢精楷書揣歐虞之神以倣之以賢嗜麴蘖舉抑戒之詩以諫之唱隨之樂甚自得也丁未冬月賢病重氏焚香禱天願以身代臘月賢故氏泣盡以血七虞後誓不飲食家人再三勸進不允戊申正月二十六日戌時竟絕粒以殉去夫亡五十六日尙賓爲之合葬焉

歐陽王氏獻瑜妻廩生樹德女少習內則嫻姆訓二十二歲于歸三十歲夫故遺一子二女家貧甚氏蓄身殉之志不肯遽宣因展轉向親友請求得錢數百串度子女分得稍可度日遂寄其子女於夫家母家處理既畢時值夫亡百日哭奠後沐浴更衣奮身墜樓而死殆所謂從容就義者歟民國八年經湖北省長咨部註冊褒揚一時知名之士多賦詩歌以旌其事因限於篇幅不及備載

志

列女志一

充

王劉氏灼堊繼妻堊勵實學講躬行氏因之悉遵禮法門以內雍肅如也二十六歲夫故無子女翁姑早逝亦無叔伯氏撫棺痛哭絕不道身後事及成服凡喪葬衰經皆遵古制非倉猝所能遽辦者未幾氏顛躓喪次氣幾絕親友驚其驟狂議醫治之氏不可指所著喪服示人曰吾久誓殉夫潛製此爲殮服今日死幸勿更衣言畢卒蓋其於夫屬纊時已飲金屑矣親友如其言與其夫合葬焉

曾蕭氏道清妻清懶惰依叔某甲甲與妻羅放佚無度日取博資自給光緒己丑正月羅母族雇工沈至甲家與羅暱聞氏病復調氏罵之甲宅無隣羅故挈其子他出縱沈行強氏扭毆攢拒大呼救命路人聞聲趨救氏免而沈逸清歸廉其情尤羅羅故醜詆之且嗾甲箠清氏冤憤莫伸遂投繯死死後邑紳密昌

墀白其事於漢陽縣令鍾桐山且爲傳以傳之逾二十年其族人曾廣大爲陸軍三十一標標統請旌以慰其志蓋公道固在人也

劉張氏與夫士榮均爲流賊所劫士榮被殺氏罵不絕口賊碎其尸

劉嚴氏正佑妻及笄于歸未久佑病故氏矢志同穴不食死

劉王氏作豐妻年二十八夫故氏絕粒七日殉

江黃氏盛運妻夫早卒氏青年守志誓無二心因聞其母家有爲擇配意遂在其母家門首水塘溺死邑紳李榮第等爲之請旌並立碑於其墓前

余李氏濟春妻二十三歲夫故無子事奉翁姑料理食用無微不至夫弟鐸尙未及冠助姑養教成人比鐸受室氏謂鐸曰此後

志

列女志一

三

支持家計有人一切後事惟汝夫婦是賴吾夫喪已滿別無挂欠遂不食死時年二十七歲

以上新編

殉難

明

劉程氏一晉妻會一女于歸之九年遭明季甲申之難流賊擄氏以利刃指其頸氏大詈賊昇行三十里至潰口氏以口渴給賊甫釋縛投水死

清

吳胡氏兆豐妻舉人兆春仲女咸豐二年髮逆陷會垣其翁長庚時爲武昌訓導死於官其長女次女長媳袁氏及孫女等同日自盡者九人胡氏與焉兆豐侯氏氣絕藏其屍於樓以被裹之

亦自盡賊退往斂面如生與其夫合葬於吳氏祖塋

金宋氏禮仲妻舉人仁達女生一女夫故家貧携女依母家二十餘年女字庠生熊學濬咸豐二年髮逆陷省垣氏與女同仰藥自盡

汪馮氏樹五妻家貧守節髮逆竄漢口氏走避不及罵賊被害

潘易氏庠生拱辰妻隨其翁壽平寓省垣咸豐二年十二月省垣陷壽平罵賊被害氏聞變卽偕其子世寬世謙世愷姪世皋妹煥姑同時自縊

姚楊氏 妻咸豐四年在漢鎮泉隆巷遇賊被害

廖孫氏歲貢生廷選妻咸豐五年髮逆焚漢鎮其翁士瑚携幼孫國荃殉難氏恐賊辱携女彩姑隨翁投水死時氏年四十五歲彩姑年九歲

志

列女志一

三

楊吳氏錦繼妻携子慶避賊行至崇仁巷中遇賊蜂至母子同赴塘水中死

蕭路氏監生通治妻年七十餘咸豐五年髮逆焚漢口偕其子光義媳徐氏孫介卿詠春孫媳勞氏楊氏同赴水死

彭戚氏楷之妻庠生椿齡王琛之母咸豐五年髮逆至漢口罵賊被殺椿齡妻程氏投水死椿齡女英姑華姑同時縊死時英姑二十歲華姑十八歲

趙聶氏元泰妻咸豐五年七月元泰以練勇接仗陣亡時髮逆大肆焚掠聶氏偕弟婦雷氏子學浚媳余氏姪學海女桂姑姪女三姑同赴水死

徐楊氏監生慶棠妻監生炳文女歸徐生一子甫三歲咸豐五年七月賊焚掠漢口氏隨翁姑及慶棠偕逃行至隄外水阻孱弱

不能渡殺聲逼近密謂慶棠曰君侍翁姑急行妾當以魂保護全家無恙遂抱子投水死時年二十四歲

勞胡氏懋鏞妻咸豐五年七月髮逆燬漢口其夫弟懋禧被害氏與弟婦管氏以蓆裹尸密埋後園畢卽偕管氏及姑管世鑾妻勞氏孀姑王西洲妻勞氏同時投縊死

田吳氏雲村妻咸豐五年七月偕其女寶姑及孀姊馮田氏內姪女蕭朱氏同時投水死

方吳氏開三妻職員塏長女咸豐乙卯七月偕其子義本及孫儀孫媳同時赴水死

王胡氏王楠妻咸豐乙卯七月偕其嫂蔭南妻楊氏及孀母吉常妻陳氏姪媳煥章妻陳氏同時殉難

彭蕭氏衛千總賚齡妻邑庠生蕭光之女直隸大名同知德宣之

志

列女志一

三

妹也咸豐五年髮逆焚燬漢鎮氏懼辱投河死時年三十二歲石陳氏如葵妻甲辰進士意恭之母咸豐五年偕其次子意寬投水殉難

向楊氏以綱妻髮逆焚掠漢口時懼辱撲屋後塘水中死

丁徐氏鳳儀妻賊至漢口懼污與夫妹二姑同縊死徐年四十四妹年十六

劉王氏天保妻聞賊大肆掠殺縊死室內時年三十一歲

王曾氏苦節有年髮逆焚漢口日同子國坪婦錢氏女歡姑同時縊死臥室內

羅劉氏占魁妻於咸豐五年七月與其嫂左氏子明標女引姑同投襄河溺死

周宗氏培才妻若顏女子歸之明年粵匪至見其美欲強污之氏

以計脫卽時自經死年二十二歲

無姓氏漢口人賊擄至漢陽百聖廟百計欲犯之氏大罵不從賊怒亂刀戕其身父老數人薄葬廟側後同善堂知其事遷埋義塚立碑以紀其概

趙章氏邦國妻年七十七賊至漢口投河殉難其媳劉氏隨死

趙劉氏大銀妻年四十四賊燒漢口投河死

孫劉氏曦山妾乙卯髮逆焚漢口投河死

馮李氏兆運妻文元女乙卯寇至氏走避遇之迫欲污之不從賊抽刃刺殺懷中兒氏仍哭罵不從賊婉說之益怒罵賊連刃刺死於地時年三十三歲

彭朱氏耀庭妻年四十四在漢口張美之巷江邊遇賊投江身死
葉黃氏永安妻秉宣女賊至漢口氏妊身難行走避江干賊漸近

列女志

懼偈投江死年二十有四

黃張氏秉宣妻年六十見賊蜂擁至投江身死

羅劉氏必貴妻粵匪之難漢口大肆擄掠氏閉門自縊死時年八十三歲

劉彭氏銑本妻朝斌女早寡遺女一賊至漢鎮氏先縊死其女然後自縊死女時年十五歲

傅蔡氏憲章妾年五十三歲咸豐五年七月十八日賊竄漢鎮罵賊溺死

傅歐陽氏前逢妻年二十二歲賊至大罵赴水死

傅六姑光池女賊掠漢口大罵赴水死

鄭王氏秉性妻左卿女賊至漢鎮欲犯之大罵投江死

孫張氏芻山妻國安女名桂英年二十于歸三十七歲夫故咸豐

五年粵逆踞漢口有擇配孀婦之信氏聞之當夜自縊死

聞江氏人衡妻遇賊於張美之巷懼污攜子投江死年三十七歲
張曹氏其子名榮誅賊至漢口殺誅並誅之堂弟氏見之大罵不
絕聲遇害

李余氏步濂之母年七十五歲賊燬漢鎮被焚死

王鄒氏篤行妻庠生春圃女賊擄漢鎮子女氏懼污抱幼女溺死
年三十六歲

姚魯氏佐騎尉大志妻乙卯年在漢口殉難

王張氏庠生王任妻賊至漢口懼污赴水死年二十七歲

王張氏之芬妻年十六于歸二十二夫故守節咸豐五年遇賊殉
難年八十有三

陳易氏恆運妻國輔女二十七于歸二十四夫故賊掠鄉村氏恐

志

列女志

三

受辱投水死

黃潘氏良法妻年三十二歲乙卯賊掠漢口其子炳被賊磔殺遂
與其夫罵賊投河水死

史吳氏寶鑫妻前任黃山巡檢嘉猷女年二十四歲乙卯之難與
夫在漢口花樓同罵賊死

徐甘氏京山縣訓導徐朝貴媳第春妻文華女咸豐五年賊燬漢
口投水殉難

劉周氏咸豐五年七月十八日赴漢鎮戎府水池死

徐周氏徐陳氏徐安姑俱於咸豐五年七月十八日赴漢鎮戎府
水池死

趙桂姑漢口人咸豐五年七月十八日桂姑與其嫂及羣婦女避
火於南京會館側濁水坑邊桂姑絕色出眾嫂恐賊見以白布

衾覆之倏一覓賊至揭衾驚其美欲犯之姑不從追以刃桂姑急不能脫低聲謂賊先待於牆陰賊信之前行桂姑奮身奔濁水中溺死

胡汪氏舉人大經妻江夏庠生以鉉女咸豐四年避寇於邑之西鄉時賊氛甚惡奸民又從而煽之氏懼不免夜半投門前塘水死

王昭姑宗俊女幼字彭永祿年十七未嫁咸豐五年逆匪大掠鄉村昭姑偕眾婦女避賀家墩港邊恐賊至受辱奮身投水死龔姑必遠女幼穎悟知大義賊掠漢口勢甚熾姑易衣投井溺死年甫十五歲

廖二姑長熙女咸豐五年賊焚漢口熙走避不及遇賊於門被害二姑救父情急以手搶賊刃罵不絕口賊亂刃刺死並其尸燬

志

列女志一

三

焉

呂羅氏本銘妻

龔大姑必達女粵匪至漢口忽有選秀之變大姑恐被污夜投水甕死次日見其足始知之時年十八歲

蕭黃氏德新妻妹彭蕭氏女大姑二姑

蕭楊氏德章妻

潘象乾母 氏女大姑二姑三姑連帶投河死時乙卯七月十八日

蕭姜氏浙江中防同知蕭書妻年二十于歸屢生子不育三十時勸夫納妾王氏卽氏母家婢也生子繼善愛如己出咸豐十一年二月氏奔生父喪歸黃陂適賊眾大至家人驚散氏奮身投觀音堂側池水死

以上見漢陽縣志

熊桂氏郡增生光耀繼妻女鍾熊氏鍾海六妻皆青年孀居桂夫故後病戀床褥不能步履熊夫故後隨侍母側不肯稍離咸豐乙卯賊躡漢口母女伶仃弱質恐被匪犯乃在本宅花園荷池中同時殉難桂年七十六歲熊年五十歲

夏王氏蓮臺妻黃陂侍衛安徽壽春游擊敦堂女及笄于歸明年生子殤又明年夫故家貧無立足地光緒丁未由關道齊咨入下敬節局時年二十有六入局後未嘗出局一次辛亥起義全局節婦悉窺氏之行止而氏則以為人各有志無容相強未至其時猶可自安以安眾婦之心不意九月初旬風鶴日逼漢鎮人民勢不得不謀遷徙以避其鋒斯時全局節婦均游移莫決而氏仍自若也將行之日獨不見氏入視其室已自縊死矣倉

志

列女

三

猝不及安葬暫厝局內後局焚尸亦被燬民國二年重建敬節局爰備外櫛再加收殮堂董諸人開會追悼之

以上新編

再查漢口節烈錄殉難婦女有為漢陽縣志所未載者並列於後

本縣婦女

節婦周史氏	徐史氏	方王氏	吳陳氏	余陳氏
汪鄭氏	陳秦氏	唐王氏	王齋婆	趙張氏
楊陳氏	夏劉氏	程敖氏	彭屠氏	陽三婆
劉徐氏	李潘氏	李三婆	劉陳氏	石閔氏
項熊氏	鄭毛氏	呂大婆	曹金氏	唐吳氏
吳朱氏	陳方氏	楊曾氏	徐張氏	黃艾氏
汪穆氏	汪劉氏	沈三婆	周大婆	潘朱氏

胡李氏	胡孫氏	張藍氏	王大婆	王張氏	王錢氏
余胡氏	張黃氏	張王氏	洪徐氏	余胡氏	朱萬氏
徐楊氏	安唐氏	劉葉氏	劉氏	李計氏	劉陳氏
劉大婆	殷張氏	蘇蕭氏	魯楊氏	董李氏	董劉氏
曹氏	吳黃氏	劉陳氏	吳聶氏	吳陳氏	楊陳氏
楊朱氏	楊王氏	楊白氏	楊何氏	蕭劉氏	徐張氏
徐劉氏	徐王氏	朱蔡氏	朱周氏	黃曾氏	汪胡氏
周俞氏	周王氏	周顧氏	鄒氏	范胡氏	胡楊氏
張蕭氏	張么婆	張吳氏	張王氏	張李氏	張彭氏
向馬氏	向郭氏	向陳氏	夏李氏	夏翟氏	王羅氏
王葉氏	余江氏	余胡氏	孫張氏	昌三婆	王巧姑
黃大姑	黃龍姑	陳祝姑	蕭鳳英	張連姑	張有姑

志

列女志一

三

以上均於咸豐五年七月十八日在本鎮居仁坊慘被戕害

節婦李鍾氏雲舫妹	李鍾氏德喜母	傅周氏蓮浦媳
黃汪氏	徐馬氏	胡尹氏
周蕭氏	萬徐氏	王周氏
楊李氏	陳氏	張樊氏
藍吳氏	洪三婆	艾楊氏
謝畢氏	郭陳氏	郭朱氏
萬蕭氏	孫龍氏	曾黃氏
楊陶氏	陳何氏	吳朱氏
李氏	李王氏	李阮氏
李榮姑	郭二姑	陳昭姑
熊三姑	劉桂姑	潘毛姑
		劉引弟
		郭春姑
		王引姑
		韓三姑
		周魏氏
		周呂氏
		汪張氏
		沈魏氏
		汪張氏
		劉李氏
		劉李氏
		王大婆
		胡周氏
		胡氏
		郭寇氏
		田黃氏
		曾張氏
		郭寇氏
		田黃氏
		曾蕭氏
		汪呂氏
		羅大婆
		華陸氏
		華鄧氏
		張劉氏
		華陸氏
		華鄧氏
		張劉氏
		郭春姑
		王引姑
		韓三姑

以上均於咸豐五年七月十八日在本鎮由義坊慘被戕害

節婦吳柴氏 朱涂氏 朱林氏 王蕭氏 王朱氏

陳李氏 陳張氏

楊劉氏 陳邱氏 馬達氏 朱倪氏 林敖氏 嚴黃氏

王張氏 張王氏 李唐氏 劉氏 曹劉氏 吳徐氏

朱葛氏 熊徐氏 游聶氏 康盧氏 王劉氏 王嚴氏

王朱氏 王李氏 王馮氏 余吳氏 張萬氏 張熊氏

張林氏 張王氏 張黃氏 李袁氏 李諸氏 李胡氏

劉梁氏 劉蕭氏 盛嚴氏 顧氏

吳旺姑 陳小姑 陳二姑 周賢姑 柳大姑 柳二姑

以上均於咸豐五年七月十八日在本鎮循禮坊慘被戕害

節婦龍黃氏 楊劉氏 姚陳氏

志

列女志一

美

江彭氏 袁阮氏 劉汪氏 劉姚氏 張李氏 李余氏

王汪氏 鍾戴氏 程毛氏 熊趙氏 熊吳氏 羅雷氏

朱何氏 徐吳氏 官林氏 陳蔡氏 陳張氏 李吳氏

陳涂氏 查查氏 祁高氏 張蔡氏 蔣王氏 王葉氏

以上均於咸豐五年七月十八日在本鎮大智坊慘被戕害

節婦傅歐陽氏 傅周氏 汪沈氏 朱余氏 葛潘氏

楊李氏 周宗氏 李王氏 羅閔氏 羅左氏 沈二婆

何余氏 姚康氏 朱萬氏 鄧胡氏 蕭氏 黃王氏

朱龔氏 鍾熊氏 張楊氏 夏劉氏 王勞氏 吳劉氏

李梅氏 李胡氏 劉戴氏 屠氏 姚張氏 鄭王氏

陳大婆 陳氏 吳王氏 楊汪氏 計氏 趙氏

徐羅氏 朱胡氏 高劉氏 汪馮氏 沈張氏 周陳氏

何張氏 潘李氏 嚴何氏 謝氏 張氏 張夏氏
張氏 王熊氏 王大婆 王氏 王三婆 余余氏
陳氏

何四姑 王錦姑 黃貞姑 羅昭姑 王順姑 羅二姑
巴多姑 洪翠姑

以上均於咸豐五年七月十八日在本鎮居仁坊身自投河

投水

節婦張蔣氏經歷銜張標妻 王陳氏

劉王氏 劉陳氏 梅劉氏占魁母 高劉氏監生天一妻

楊氏 曹氏 王董氏 劉夏氏 孫氏 王氏

蕭大婆 趙氏 陳楊氏 陳大婆 劉大婆

李姑 劉松姑

志

列女志一

无

以上均於咸豐五年七月十八日在本鎮由義坊身自投河

投水

節婦丁許氏 孫姚氏 查袁氏 洪蔣氏 王燕氏 汪沈氏

張陳氏 携女 賢姑

汪朱氏 吳江氏 楊丁氏 齊四娘 傅周氏 汪戴氏

郭詹氏 孫左氏 蘇李氏 陳宋氏 葉陳氏 陳張氏

吳王氏 吳張氏 蕭朱氏 程左氏 彭楊氏 馮田氏

王顧氏 張丁氏 劉傅氏 劉涂氏 李邵氏 汪劉氏

楊顏氏

劉玉姑 彭鎖姑 彭二姑

以上均於咸豐五年七月十八日在本鎮循禮坊身自投河

投水

節婦伍陳氏携女武姑

楊魏氏携女紫姑

楊朱氏携女巧姑

汪張氏携女英姑

徐陳氏携女大安姑

奚周氏 劉周氏

張魏氏 何曾氏 魏李氏 馬氏 陳李氏 史宋氏

余張氏 王陳氏 王胡氏 胡鄭氏 秦任氏 魏馬氏

黃吳氏 彭朱氏 蕭王氏 吳江氏 劉陳氏 李邵氏

李蕭氏 曹文氏 賽馬氏 賽定氏 賽三姑 賽二姑

賽萬氏 賽王氏 賽魏氏 鄭王氏 蘇蕭氏 韓馬氏

張王氏 李劉氏 劉王氏 包何氏 吳鄧氏 苦李氏

簡劉氏 徐華氏 王汪氏 王陳氏 王祝氏

賽巧姑 賽翠姑 李年姑 陳大姑 蘇喜姑

以上均於咸豐五年七月十八日在本鎮大智坊身自投河

志

列女志

三

投水

節婦吳董氏 吳汪氏 楊曹氏

彭張氏 李任氏 潘孫氏 洪毛氏 余劉氏

汪二姑 張引姑 黃二姑 李大姑 蔡二姑 潘煥姑

王大姑字彭 王大姑字劉 談貴姑

以上均於咸豐五年七月十八日在本鎮居仁坊懸梁自盡

節婦孫張氏笏山妻 劉何氏太平祖母

王曾氏 王錢氏携女歡姑

蕭大姑 夏寶姑 朱金姑

以上均於咸豐五年七月十八日在本鎮由義坊懸樑自盡

節婦宗吳氏 陳周氏 吳徐氏 田吳氏 程吳氏

彭張氏 王顧氏 孫張氏 王周氏 李詹氏 洪朱氏

夏惠氏

田大姑 龔潤姑 范重陽姑

以上均於咸豐五年七月十八日在本鎮循禮坊懸樑自盡

節婦李伍氏 劉彭氏 李朱氏携女大姑

王劉氏 程吳氏 定馬氏 李馬氏 馬魏氏 程朱氏

劉大姑 姚簡姑 陳環姑 馬玉姑 馬尊姑 孫煥姑

魏元美姑

以上均於咸豐五年七月十八日在本鎮大智坊懸樑自盡

胡王氏 王張氏 衛賀氏 余姚氏

以上均於咸豐五年七月十八日在本鎮居仁坊慘被火焚

王吳氏 張曾氏 朱余氏 劉汪氏 周大婆 唐三婆

李么婆 何余氏 林大姑 楊氏 徐氏 陳廖氏

志

列女志一

三

胡張氏 朱才姑 張師氏 陳大姑 王氏青臉妻

胡氏 汪氏 王大姑 藍氏 廖陳氏 楊氏

郭胡氏 李羅氏 郭羅氏 胡劉氏 汪朱氏 劉蕭氏

陳氏 胡楊氏 余氏 李氏 姚有姑 戴王氏

李左氏 蘇葉氏曙華妻 張王氏 張傅氏 汪王氏

熊黃氏 吳譚氏 張胡氏 謝洽氏 俞周氏 何氏

李大婆 黃寶姑 鄭蕭氏 陳劉氏 劉范氏 蘇李氏

周徐氏 以上均於咸豐五年在本鎮殉難

客籍婦女

節婦章潘氏 安徽歙縣人 李胡氏 江夏縣人

陳盧氏 江夏縣人 趙陳氏 嘉魚縣人

曹胡氏 蒲圻縣人 王陳氏 魯楊氏 俱黃陂縣人

以上均於咸豐五年七月十八日在本鎮居仁坊慘被戕害

節婦胡王氏 蒲圻縣人 萬李氏 武昌縣人

潘王氏 李三妹 俱咸甯縣人 王馮氏 黃陂縣人

江王氏 杜劉氏 杜黃氏 徐姚氏 石龍氏 王徐氏

俱江夏縣人 楊丁氏 李張氏 俱孝感縣人

蕭三婆 江西人 徐汪氏 安徽歙縣人

李氏 河南固始縣人

以上均於咸豐五年七月十八日在本鎮循禮坊慘被戕害

節婦高薛氏 安徽大通人

馬定氏 樊羅氏 王蕭氏 田田氏 俱江夏縣人

吳余氏 武昌縣人 汪氏 咸甯縣人

蕭劉氏 劉潘氏 俱黃陂縣人 袁王氏 孝感縣人

志

列女志

三

吳姑 字秦 武昌縣人 余玲姑 安徽徽州府人

以上均於咸豐五年七月十八日在本鎮大智坊慘被戕害

節婦周劉氏 直隸天津人 劉徐氏 湖南人

黃吳氏 江南人 鄭張氏 安徽徽州府人

汪吳氏 汪引姑 俱安徽歙縣人 夏郭氏 江蘇江都縣人

孫左氏 浙江烏程縣人 劉洪氏 武昌縣人

熊黃氏 黃陂縣人 王楊氏 孝感縣人

藍氏 曹何氏 胡曹氏 俱漢川縣人

以上均於咸豐五年七月十八日在本鎮居仁坊身自投水

節婦龍李氏 江西南昌人 郭金氏 漢川縣人

以上均於咸豐五年七月十八日在本鎮由義坊身自投水

節婦林潘氏 江南人 咸豐五年七月十八日在本鎮大智坊

身自投水

節婦吳余氏

馮姪女

余順姑

安徽徽州府人

咸豐五年七月十八日在本鎮大智坊懸樑自盡

節婦李熊氏

江夏縣人

咸豐五年七月十八日在本鎮由義坊慘被火焚

尼僧

鳳麟菴尼僧九口姓名未詳

均於咸豐五年七月十八日慘被

同時火焚

如來菴尼僧萬節

咸豐五年七月十八日慘被戕害

志

列女志一

三

列女志一

邑人張翰存刻刷